

二月壬子朔杭州城門異鳴

癸丑大學士薛國觀蔡國用主禮闈

戊午左良左王大破張獻忠于安徽太平縣瑪瑙山斬二千
八十七級獻忠精銳俱盡驍騎千餘自隨遁去尋竄興安房
縣界官兵憚山險不攻賊伏深箐中賄山氓市鹽米氓反為
賊耳目獻忠兵復振

辛酉夜鉅鹿地震連三日

壬戌虹縣大火

甲子給楊嗣昌萬金賜斗牛服嗣昌駐襄陽調度會剿以陝

西興安一路失期斬其監軍道殷太白

尚寶司卿馬思理請如國初進本司三品或量進四品始于

體統為優不許

流寇掠泌陽

乙丑浙江永康知縣朱露為吏科給事中改名統鎮


丙寅復王朴都督僉事

戊辰劉光溥為後軍都督府僉書

叙甘鎮功復洪承疇太保賜金緋蟒進白貽清兵部右侍郎

賜金同飛魚服簷錦衣指揮僉事故

張應辰贈兵部



右侍郎復搃兵王汝金官並廕錦衣副千戶陣亡搃兵張顯
謨贈左都督立祠廕錦衣指揮僉事餘有差

辛未羅汝才掠河南信陽陷光州

壬申宋政為大理少卿

故 孫謙嚴鑑顧儀贈光祿少卿故 田首鳳贈

尚寶少卿故 李升吉李極贈尚寶司丞

癸酉禮部請增祀北斗于星辰壇許之

禮部上李天經新歷有旨閏法及節氣日躔等異于大統歷

令監局各官詳考


丙子江西宗貢朱統欽以五經試義求破格不許

丁丑令會試貢士先廷對日校射

戊寅諭曰連日風霾大作田地亢乾麥苗將槁甚至傷折南
郊樹木天心仁愛警告示頻仍或因政事多失或奸貪縱肆或
刑獄失平或豪右侵凌諸如此類大干天和茲許官員人等
直言務直陳利弊

庚辰諭三月三日辰刻朕深居齋禱大小臣工痛加脩省遣

成國公朱純臣鎮遠侯顧肇跡祭告南北郊禮部尚書林欲
楫告社稷侍郎王郎告風雷等壇黃錦禱龍祠



辛巳故

馬從聘贈兵部尚書謚曰

三月壬午朔以緝獲功進光先左都督

戶科給事中張

言江南白糧之累報聞

永安殿災

命勲臣年七十上歲臣官一品許乘輿其肩輿非特恩不許

甲申故直隸深州知州孫士美贈太僕卿

丙戌大風霾


丁亥楊嗣昌報捷命同左良玉雪罪益發銀牌五百紵絲三百帑金五千犒戰士及陣亡吏卒

建下至義州謀殺錦州洪承疇同遼東巡撫方一藻以前鋒

祖大壽圍練吳三桂分練劉肇基先屯錦州松山待之調山

海摠兵官馬科以萬人往

戊子詔曰各鎮內員察飭已久兵馬錢糧器械等項稍有改觀但戰守防援事權未能盡一今將摠監高起潛陳貴馬雲程盧維寧分守邊永清許進忠謝文舉魏邦典牛文炳武進進陳鎮夷崔進楊顯名俱撤回京另用申之秀除去摠監仍以守備察飭李信守護陵園崔璘除去兼察起存錢糧惟專理監務勅書換給武後仍俟工完回京還將兵馬錢糧器械



及任內釐飭事宜開明具奏凡邊務都着督撫鎮道一意肩承共體時艱各攄猷略若有疎虞五案大法具存必罪不貸談遷曰內臣出鎮掣任事之時隳廢吏之心此 愆廟時稅政也 先帝最嚴察再遣再撤非不知神叢難借乳虎難馴直謂三尺在我此曹子何能為其信外廷不如信內臣也遣示權撤示斷雖未易窺測亦終為內臣所用矣諭風霾亢旱各官必多貪殘固法撫按未見指參如再徇容重處不貸

已丑蘇州知府陳洪謚松江知府方岳貢並稽賦洪謚削籍

限六月完額否則解任岳貢奪官覈上海逋額限十月

庚寅以保舉換授多黃賄命今後赴部者送監肄業考驗如例貢選除其不堪罷之

駙馬都尉齊元子道周授錦衣衛都指揮使因令戚臣子弟

年十歲方奏請著為令


贊

辛卯王志正為太常少卿

兵科給事中曹應遴言嘗監刑或臨決鳴冤 上曰如是即

宜停刑載在會典今後當以聞

壬辰免畿郡十一年料匠等銀



甲午賑京城貧民各二百錢

乙未戶科給事中左懋第言去歲彗見下詔停刑而彗夕消何風霾不然臣又思之 皇上停刑之詔特其具也今之齋禱猶其文也臣知 皇上先以文即繼以實此時得毋實尚未見而天不之信乎臣敢直以實進練餉之派以益軍實不得已之事也 皇上減兵省餉天下已識加惠之意兵減而餉未減恐貪者藉以飽其私乞 皇上下詔減練餉今年全派明年兵若干餉若干其加派之數預使萬民知之吏胥無所用其奸如此而天變不止臣不信也刑獄亦以待有罪亦不得已之事也捧讀傳詔慙：刑獄是矣乞 皇上取獄之輕重一一審之 皇上停刑可以消彗豈明刑不足以返風乎如此而天變不止臣不信也

四月壬子朔

田玄襲宣慰使

甲寅摘京省鄉試錄瑕累主考官編修馬世奇檢討楊觀光禮科右給事中尹洗各鑄二級編修衛胤文 劉文瀚陳

際泰鑄一級

汪國士

熊世懿奪俸五月左諭德王

廷垣吏科給事中顧國寶修撰劉理順兵科左給事中吳甘

來


王心純

曹煇奪俸三月今後考官務守功令

國權

崇禎十三年

十



文期純雅正大以為士鵠

設遷日程錄出于主司追琢考據易工也近即以士子登
之風簷草索于經義雖入彀古于學疎甚累楮連續多如
嚼蠟于是稍懲考官未變士習其風氣浸淫可非以旦夕
療也

馮舉為都督僉事總兵官鎮守山西免通州總兵官王秉忠

乙卯巡按湖廣御史林銘球薦黃岡諸生馮雲路學行

丙辰戶部主事趙王森特改檢討

麗江木知府木增四川左布政使致仕


蔣德璟為詹事

戊午巡撫江西解學龍薦舉佐領官及布政使都事黃道周
有旨黃道周黨邪亂政學龍抗藐俱除名逮下刑部獄

設遷曰黃先生學道人也非以官爵為軒輊竟未赴謫所
馳牒給假其跡似懟解中丞懿好雖切少宜慎重蓋重瞳
未回遠磯其怒皇甫規明耻獨為君子于中丞得矣于黃
先生自處未也

張汝行為署都督僉事總兵官鎮守貴州

己未高倬為尚寶司丞



浙西雨連月傷禾米直三金

庚申命撫按薦舉分治兵治餉才幹寔跡如失寔連坐至考
選大典須遵旨科貢兼收

辛酉李建泰李紹賢黃景昉為少詹事兼侍講學士方拱乾
為編修

故 傅振商贈太子少保

癸亥王錫衮為禮部右侍郎教習館員


召詹事翰林官于平臺令補奏

乙丑韓四維為司業吳偉業為南司業

安徽宿州等三十州縣以災甚其八年前之欠免十之四江
南沔陽等八州縣次災七年前十之五八年九年十之三通
州五州縣免七年前十之二

丙寅諭吏部曰年來資格畛域抑壞人才考選連有旨舉貢
兼收寔竟不遵非 祖宗破格用人至意就教貢士并試過
歲貢生共二百六十三人俱着于六部司屬都通太常寺各
屬及推知正官通行察缺依次填補此係特用後不為例

張自烈曰今日特用亦將拔用舉貢才能之特出者非凡
舉貢皆可用也乃一旦合二百六十三人而皆用之果皆




才且賢乎皆才且賢尤當量能授官委任責成使真偽無
雜進柰何驟使之依序填補乎既依序填補止論未必皆
才其間有不堪戶部而補戶部不堪兵部而補兵部不堪
推知而補推知始用既違其才考課亦難責效能必皆勝
任而愉快乎就此二百六十三人中拔其尤者數十人畀
之殊秩委以重任庶几有濟焉有特用而僅使之備員庶
官乎然則有破格之名而止其實不欲抑壞人才而究不
能甄別真似寔收人才之效且又曰特用後不為例豈祖
制僅可行于一時不可行于異日乎豈此日舉貢二百六

十三人皆堪特用異日雖復有才且賢遠邁此二百六十
三人者皆不足用乎此又明旨之不可以告于中外民臣
者也

戊辰王廷垣朱兆栢為左右庶子徐沂胡世安為左右贊善
辛未司設監官陸永受毆工部主事楊所修時將北郊恨所
修除道撤其架棚也事聞杖永受

提督宣大張福臻言去冬聞建下造紅夷炮六十招善梯者
千人買哈喇慎馬萬匹今關外報建下載炮而來雖聲東擊
西之意然大炮不便跋涉則注意松錦亦未可知宜預為防



禦未可以南城為孤注也

癸酉福建南安惠安永春安溪德化地震

丙子減山西潞安買辦十之五

令朝臣及撫按各舉將才

故都督僉事魯宗文贈左軍都督同知故都指揮使林杜贈

右軍都督僉事各世秩外衛百戶

戊寅袁繼咸為右僉都御史撫治鄖陽

命嚴督河工

己卯太子少保吏部尚書謝陞加太子太保禮部右侍郎陳


演轉左各兼東閣大學士

庚辰南居仁為祭酒

五月辛巳朔羅汝才惠登相入四川監軍萬元吉扼于夔州

癸未 上北郊

賊陷大昌犯夔州石砭女帥秦良玉發兵援之左良玉川撫
邵捷春會于夔州副將賀人龍將秦兵驍勇善戰而多擁降
丁思得搃兵以統之捷春為請于嗣昌初嗣昌以良玉兵強
表佩將軍印後進止不從節度嗣昌密疏于朝請以人龍易
之後不果人龍始怒



副總兵羅于莘擊惠相于鄭家寨敗之時官軍扼險賊無所
掠謀奪尖山西走四川總兵鄭嘉棟湖廣副將張應元汪雲
鳳會陝西副將賀人龍李國奇之師赴之斷賊為二賊皆騎
陷不得馳四川兵跳澗如猿賊敗相踐斬首七百餘擒七十
一人獲伏馬七隻石柱兵邀于馬家店復斬七百餘級殲其
渠魁

丁亥減河南州等今年田租


戊子量免湖廣田租

庚寅洪承疇出山海關初都督祖大壽請五萬兵出戰部議

兵馬少不果欲令承疇以三萬人至關門部科議不一或曰
承疇重臣宜關門調度或曰宜在前屯為後勅或曰簡銳集
餉若不出戰何所試効承疇乃行


丙申傅永淳為吏部尚書葉有聲為左副都御史宋之普為
左僉都御史

諭部院曰年來直省告飢而京中山東河南山西陝西近聞
茹土食菜併無菜色且割肉炊骨殮以澤量言之流淚或天
災流行人謀感召貪婪助旱魃之虐繫苛鼓馮夷之波民生
其間勿死何待近雖連頒發恤之詔哀如充耳今聞墮殮者



既玩泄不遵虛恢者又奉行未善各地方官給發積穀銀錢若干賑濟招徠流徙復業若干人田地荒蕪有無給價給種買犢多方開墾富室鄉紳果否輸貲發粟設法鼓勵蠲停錢糧曾否榜示通知俾沾是惠該撫按官以察吏安民為務要減從躬行州縣察勘即以地方飢徙之有無察官吏之殿最召九卿科道于平臺問禦敵救荒安民三事各以次對通政使徐石麒曰東胡方強我力未壯宜先定本計後商方略厚撫屬夷以攜其交守即為戰今彼牧屯義州我多發兵則畏糧不易少發兵則守不足疑近夷所為宜曉晤屬夷發其事

仇之耻若乘間襲復義州即昇其地則屬夷心動東胡必疑又偵近邊二三大酋勅邊臣與之慶吊往來可陰藉為用又擇邊民俾授義州傭作耕牧則彼情全悉至寧前一帶彼少出兵堅壁清野勿與戰多出兵則義州必虛督臣即以數千人間行搗其虛此守外邊法也若內邊則京北閑田悉與軍民屯種擇其壯丁為兵而後可守矣上命起回退奏救荒在勸富民互養輸粟補官贖罪安民在省官用賢
丁酉時授歲貢生王史惇俞泰交章晉錫陸禹思張奕頤王榜陳兆珂陳興言徐有聲俱戶部主事吳康侯禮部主事吳



放偉兵部主事王辰曾瑞來潘汝嘉項如臯楊垂雲林轉亨
雷演祚吳文熾陳禮張煜芳鍾鎮王廷授俱刑部主事王灝
饒元珙方夢禎鍾奇俱工部主事巢崐源吏部司務顧經祖
戶部司務吳元伯禮部司務董養河楊畏知工部司務閔家
炳曾益南戶兵部司務
予故 洪啟睿伏羗伯毛承祚祭葬
順天府丞戴澳除名先是澳道劾嘉興推官文德翼失實
寇陷羅田

戊戌總兵吳三桂劉肇基出杏山前鋒祖大壽以副總兵祖

澤遠值建 松杏間三桂受圍肇基救出之失亡千人所殺

傷亦相當副總兵陳繼儒臨陣而怯承疇斬之俱用命

己亥提督太岳太和山尚官監奉御賀汝良調南京孝陵神

宮監


安遠侯柳祚昌為南中軍都督府僉書

運河日涸責提督河道張國維

通政使李夢長塗削章奏有旨職在封駁既疏不合格即當

斥去何得代人塗削下吏部議處

庚子賊屯譚家坪諸軍薄之人曳草履二量緣山逐賊自龍



溪追奔四十里斬首千一百餘級賊走仙寺嶺

癸卯諸軍雲合斬首千級賊突圍走七箐坎入于乾溪

丙午賊犯夔州下閬川撫邵捷春檄搃兵鄭嘉棟以楚兵出

雲陽邀其前賀人龍將秦師走尖山以截之時賊營山險酷

暑爰敲鼓啗草間人馬俱病羅汝才西走雲陽尖山填惠登

相走雲陽水碓口期會于開縣新寧

戊申逮浙江德清知縣丁煌東廠發其通賄也

賀人龍敗賊于七箐坎殲其銳兵

己酉大學士姚明恭致仕

截漕米萬石賑山東

處鄉場貢士順天崔瑀鄧林呂鴻舉停科主考諭德王廷垣

中允黃起有各奪歲俸應天毛羽皇侯曦陶元祐停科主考

諭德張維机簡討楊觀光各奪俸十月江西龔帝選李益燦

停科主考編修馬世奇禮科右給事中尹洗各罰俸六月陝

西劉凝昂停科主考吏部員外郎熊文舉有另案免議中書

舍人李仲熊罰俸六月浙江駱惟恭福建唐名世湖廣劉鍾


蓉河南丁光先山東董光裕山西崔志乾四川李昌祺各停

科主考浙江編修衛胤文吏科給事中顧國寶建福脩撰劉

國權

崇禎十三年

二十



理順兵科左給事中甘來湖廣檢討王邵戶科給事中章正
宸河南吏部員外郎柴挺然兵部員外郎張若麒山東吏科
給事中洪恩炤禮部員外郎吳貞啟山西光祿少卿姚鈿戶
部主事王追駿各罰俸三月
六月辛亥朔賀人龍等三道俱進噪騰爭逐賊斬首千二百級
俘六百人赦其俘伍林等三人為軍務
南京提督操江罷元賓罷
壬子兵科左給事中陳啟新言海運之利且臨清副提兵黃
亂昌已行之報可

乙丑喻思恂為南兵部右侍郎

謝陞考滿加太子太保武英殿大學士廕中書舍人

庚午大學士蔡國用卒字正甫江西金谿人萬歷庚戌進士

授中書舍人拜御史歷禮部尚書兼東閣大學士以叙邊功


進太子太保戶部尚書文淵閣又叙城守進少保吏部尚書

武英殿卒予祭葬贈太保謚文介

定國公徐允楨等會議薛國觀事或令致仕或令閑住刑科

給事中袁愷言國觀貌上之旨嫉人之能而當事者曰致

仕曰閑住此無他主持在部院而傳永淳皆國觀之私人固



結既久不暇顧 皇上之嚴綸耳

癸酉薛國觀免丁丑八月同相六人已諸相皆罷獨國觀秉
正己卯二月首輔至是因以不次拔自外僚 上頗向用之
而狼戾伎害因擬票事批納賄有據被斥

勤鄭世子翊鍾自盡

甲戌禮科右給事中李燭冊封入朝言福建解銀過郊城縣
不兵護 上責山東巡撫王國賓國賓言東省沿途原無撥
兵命降二級


丁丑司業韓四維以濫舉蔣克震議降


刑部主事沈延禧下獄初中書舍人許曦許奏鄭鄂詞連貢
士錢霖子尚賓爭父婢操刃也命逮尚賓道山東死則代者
延禧入其賄而泄

戊寅巡撫延綏劉令譽言開渠導河水田萬頃救荒之策命
漸招拓之

中書舍人沈廷揚運萬石自淮安廟灣出海十日抵天津
惠登相走開縣知羅汝才東竄而楚蜀漸逼因北遁

己卯輯武經七書大全大學士范復粹提裁禮部右侍郎黃
錦少詹事李紹賢副總裁右贊善胡世安脩撰劉理順編修





方拱乾衛亂文吳國華唐元宸劉正宗黃文煥朱天麟李士

淳檢討王用予梁兆陽廖國鎮為纂修官

漕河涸

戶部右侍郎崔爾進卒

七月庚辰朔令順天尹襁蝗發鈔六十錠收之時京中大蝗

山西諸生張訥奏強兵實着上以以碑有禁令學臣戒飭

辛巳 文安之削籍

搃兵鄭嘉棟擊賊于觀音山逐北二十里斬二百餘級張應

元窮追至寶山殺賊甚多餘皆釋甲賊渠常國安請降

諭吏部今後各王府長史俱單推

禁應天私錢備稽言王率長進封士計五文器文器既重

壬午故身王來周裕贈都督同知故 楊倫贈都督僉事

故 李德威贈都指揮同知 故 李德威贈都指揮同知

故 洪啟睿贈刑部尚書 故 洪啟睿贈刑部尚書

癸未戶科給事中黃雲師劾吏部尚書傅永淳顛倒選法明

簽露闕略無躬核大為溺職

戊子傳諭朕念 皇 妣考終身蔬布閣臣揭止少詹事李紹賢

言不宜浚漠自苦不允蓋 上之託言或別有所感也

楊士聰曰 上之感動必有大不安于中者乃不能引類
暢言以成就君德而反言不宜沒漠何其言之陋也

己丑發二萬金賑順天保定

刑部尚書甄淑以前覆錢尚賓事坐贖免

辛卯官兵敗賊于興山斬三千餘級刃張獻忠李自成羅汝
才劉國龍皆大寇也去年國龍降于楊嗣昌汝才勢孤遂奔
四川左良玉乘賊飢半邊山襲破之

廣西蒼梧教諭謝言五事先身範核士行正文體定學規重
名器部覆從之

吏部給事中王天言起廢籍章下吏部

壬辰設薊鎮宣府督餉侍郎

刑部左侍郎倪思輝疾去


癸巳李紹賢為詹事

命縣令臨難倖逝者緝其家逮之

甲午楊希旦衛景瑗為大理左右寺丞進宋賢右副都御史
仍巡撫

丙申刑部右侍郎王心一罷

廣西道御史魏景琦劾大學士范復粹張四知庸才重任降



景琦二級仍任

丁酉李覺斯為刑部尚書

己亥金光長為尚寶司丞

錦衣衛左都督孫光先進太子少保

癸卯楊嗣昌戰再失利奏引罪發五

甲辰 王佐致仕

故 王世德贈兵部右侍郎

丙午故 王威贈左都督

摠兵曹變蛟左光馬科劉肇基吳三桂合擊建 于黃土

臺敗之凡三戰松山杏山皆捷建 仍守義州

八月庚戌王道直為左都御史郭建初為工部右侍郎

壬子禮科給事中李焜言江北旱蝗命各有司不許過糴

癸丑楊希旦為南右僉都御史提督操江

黃道周解學龍逮至廷杖下刑部

尚寶司卿馬思理奏牙牌散失命察之


皇六子慈 生皇貴妃田氏出

乙卯叅將李御蘭請款建 仍市賞不許

都督僉事杜弘域為摠兵官鎮守浙江

國權 崇禎十三年

字五



定淮揚海運五萬石

己未戶部主事葉廷秀奏寬黃道周忤旨杖之百除名

庚申發倉粟賑河東飢民

賊首高守達率二百人來奔惠登相邀止百餘騎守達遂為
楚軍前鋒

辛酉進范復粹張四知少保武英殿大學士

惠登相西走諸軍追至新寧西關高守達陷賊陣賊馬竄禾
中相騰踐逐北二十里稻畦朱穀時爰赫刀甲生烟官兵遂
壁風烈舖共斬千七百餘級獲馬騾三百頭登相東奔

壬戌衛胤文為司業

纂修玉牒成

劉良佐為南右軍都督府僉書提督浦口池河進郭可登都
督僉事


賀一龍突犯霍山太湖 上命太監劉元斌率禁軍六千合

皖豫兵討之破賊于霍山賊竄走尋陷麻城黃梅

癸亥遠東前鋒總兵祖大壽敗建下于大山斬九十餘級

甲子直隸昌黎知縣張自槐以糧累自經

乙丑故御史洪啟遵贈光祿少卿



丙寅戶部主事史惇等請歲貢生謁大學立石許之

丁卯起葉廷桂戶部右侍郎白貽清戶部左侍郎督理宣大糧餉施邦曜為通政使

常國安前驅擊賊川楚兵繼之斬二百餘級奔袁琪駟設伏澗中宵火出二十里

戊辰覈山西馬價


張應元前驅搏賊令常國安高守達繞谷中搗其脇賊伏發國安突出四圍奮呼賊急墜山澗共斬九百級獲甲仗弓矢無算俘渠七十人降四十人

己巳官兵敗績于土地嶺時張應元汪雲鳳所將楚兵五千皆新募未經行陣待賀人龍兵久不至獻忠至無援悉銳來攻應元雲鳳簡銳千人搏戰晨至日中未決賊繞後新兵皆譁應元中矢突圍出雲鳳苦戰久得脫渴飲水斗餘血凝臆卒兵多潰也

庚午山西貢士張永胤言安內二議重久任安百姓攘外二議用土著尚智謀

賊東奔開縣鄭嘉棟邀擊敗之遂走大昌

羅汝才踞大寧監軍萬元吉遣守備劉正國降丁伍林招之



汝才疑不赦挾正國東走初汝才與王成功不相能至是成功降于楊嗣昌汝才遂殺伍林正國東走巫山勢孤而張獻忠時在巴東山遂相合

丙子吏科給事中戴明說言荒極盜起蠢動叠形畿輔按臣以鉅鹿武強告中州以輝淇等處陝西按臣以環縣白水告淮揚按臣以舒城告黃池吳兵誰非赤子緣有司撫按素不休養凶年不恤迫盜起議剿死于鋒鏑者此百姓也用兵則議加餉死于追呼者此百姓也今乞責成撫按諸臣以恤荒弭盜為第一事 上是之

丁丑進楊嗣昌太子少保

吏科都給事中王

請春初捕蝗種事下撫按

福建防海參將鄭芝龍加署總兵

惠登相素與張獻忠有隙聞羅張既合決計歸順左良玉擊之遂令乞降良玉撫其眾七千人簡說隸軍中安其老幼于鄭西以降將張元吉一川隸監軍萬元吉

戊寅發三萬金賑真定山東河南十一月朔粥飢民

九月巳卯朔徐石麒為光祿卿宋師襄為順天府尹


河南巡撫

報擒斬土寇得旨第平賊為功不必屢報

國權

崇禎十三年

天



捷級無裨掃蕩

山東總兵官楊御蕃敗流寇于鄆城

庚辰張縉彥為光祿少卿

戶部上兵餉權宜 上以漕糧積儲京省山東河南各宜預

計絹匹繫內供急需准舊員議折二年

辛巳浙江平陽諸生楊允中敷陳王道投通政司徐石麒不

敢封入允中謂不以堯舜之道告君閉塞言路通政使施邦

曜言允中前疏一日正統辨謂胡元不應稱正朔似矣漢唐

并湯武漢唐當斥一日祖宗辨謂 成祖不應與 太祖並

稱祖曰寬大辨謂寬與廢弛有辨大與迂濶有辨此說近似

有理亦非時急

禮科右給事中李焜言宗才保舉之額宜限嚴期宜定薦劾


宜慎

壬午徐瑛劉澤深為兵部左右侍郎方盛為南戶部右侍

郎總督糧儲

誅周府宗室在鋪以從寇更名姓也

前大學士薛國觀削籍吏部尚書傅永淳南禮部尚書朱繼
祚並免左副都御史葉有聲下刑部獄前戶部右侍郎常自



裕巡撫宣府劉永祚平陽知府各李燦各令回奏株連頗衆
松江知府方岳貢徵上海積逋忤中書舍人王陞彥至是陞
彥供岳貢餽國觀七白金命逮岳貢

癸未吏部叅進士張吉士周世臣俱謁選探籌得武強漢川
規避撓法命削籍永不叙世臣前大學士延儒侄延儒相再
世臣令吉士訴吏部前文選郎中張維元不法除吉士苑馬
寺錄事轉平陽推官世臣補永平府簡較轉興化推官

甲申故


董祚贈南直上元知縣

李自成入四川觀音岩三黃嶺又入淨堡初自成犯大昌督

師楊嗣昌與左良玉扼賊于巴西魚復諸山不得他逸自成
食盡屢欲自經賴親從雙喜救之因令軍中盡殺所掠婦女
以五千騎突圍而南嗣昌檄巡撫邵捷春駐大昌道中調度
捷春謂親歷大昌之上中下馬渡巡察隱徑上馬渡游擊邵
先仲報該渡淺涸地平濶難守移隊前十里曰水寨頭觀音
巖成三百人自成逸入嗣自劾捷春疎防失事命逮捷春下
獄論死

錢尚賓下鎮撫司

丙戌命南直浙江江西湖廣等督糧道護漕舟過淮方還任



聖母御容迎奉內殿

官軍擊建于杏山吳三桂勝之劉肇基

丁亥郊縣盜李際遇由靖邦任長張昂等衆五萬搃兵王至

紹禹遣游擊高謙擊之斬二千餘級

戊子許浙江湖州私米充漕時知府自岩求改折不許


刑科給事中胡萬言臣入掖垣搜討舊聞得后戚彙略則外戚張國紀所載懿安皇后正位事及國紀立朝始末也客魏包藏禍心臣今日始得其詳自非聖后執德坤貞凝禧協運鮮不岌乎其殆矣今日宜加徽號上疑其突發實

回奏刑科給事中袁愷奏前大學士薛國觀狂悖命逮之已丑免河南汝州十年前田租

楊嗣昌屯巫山賊渠閔索與其黨王光恩楊光甫來降嗣昌撫之所部三千簡銳隸軍自劾羅汝才之入川也九九股至是惟汝才合張獻忠其八已相繼降嗣昌以聞叙賚文武將士有差

庚寅命戶部察屯田實數

賊屯四川夔州官兵多觀望不前賊趨達州謀西犯辛卯諭災荒停刑又恐人心玩肆其事關封疆及錢糧剿寇



者限刑部五日具獄

禮部改正歷法 上以太陽經度舊法于春秋二分各差二日及冬至所推月日時刻互異令監局諸臣加攷訂

壬辰戈允禮馬思理為左右通政

巡按順天御史梁士濟言隕霜太早傷稼

命有司祭難民瘞暴骸

甲午諭吏部推尚書及保定巡撫今後推侍郎巡撫并及資深翰林著為令

丁酉岷王企鰲與南豐王

交惡南豐王私越關欲上奏


而岷王又言其窟叛事下撫按

御史魏景琦論囚西市御史高欽舜工部郎中胡璉等十五人已論內臣本清銜命馳免因釋十一人本清立還報景琦明日回奏被詰蓋上以囚或有鳴冤者停刑請旨景琦倉卒不辨命同錦衣衛千戶周裕祚白下獄

戊戌李日宣為吏部尚書

兵部上淮兵追剿之捷 上命捷報部即下巡按御史覈報存案俟寇平彙叙

新樂侯劉文炳進少傅廢錦衣衛指揮僉事劉繼祖少保劉



文耀左都督文昭都督同知

己亥楊進為右僉都御史巡撫保定提督紫荆等關邱民仰

為右僉都御史巡撫遼東

庚子王鐸為南禮部尚書

賀一龍左金王寇英山霍山間延鳳陽命撫監協剿

辛丑命折徵江南絹布等課免隴西等五縣逋賦

壬寅故新樂侯劉應元贈瀛國公

癸卯增蘆洲課銀

工科給事中沈胤培請修孝廟奉慈殿宗事 聖母不允

工科請祈穀配 太祖高皇帝仍遵新號行事焚庫內舊奉

存神板

甲辰徐燿為太常少卿

左都督孫光先進太子少傅

秦師大敗賊于函谷殲其渠斬數千餘賊分逃延安慶陽

十月戊申朔逮南戶部右侍郎常自叙

壬子故禮部尚書唐大章贈太子少保


逮南京右府都督僉事黎延慶

命抵通漕米每石帶練米八升以山東河南飢十五年為始

國權

崇禎十三年

三十三



餘從明年

癸丑諭吏兵二部在邊文武之人應督撫鎮題用有旨各鎮

用人稟成提督今後文武員闕聽督鎮選題該部覆用

十 誅提督兵部尚書熊文燦

甲寅繪皇考御容百官迎于武英殿入司禮監

徵督理兩浙鹽法太監崔璘

丁巳提督陝西鄭崇儉奪官視事

辛酉廖大亨為右僉都御史巡撫四川

錢受益為左春坊左庶子方拱乾為右春坊右中允

壬戌出萬金市舊綿衣二萬給京師貧民

張獻忠陷四川劍州

癸亥諭議孝和皇太后莊妃懿妃等道號

建下經義州祖大壽先伏精兵五百于朝陽寺黃岩寺擊斬

百九十餘級

甲子賊趙廣元走陽平關別出百丈山將入漢中提兵趙光

遠嚴守平陽賊踰昭化走西川


丙寅川兵追賊于劍州敗績失將校四人

丁卯工部請浚胡良河從之

國權

崇禎十三年

三



戊辰禮科右給事中李焜言三教一理請 孝定皇太后及
孝純皇太后聖號崇之禁中雖可以昭聖果而祀之奉先殿
播之史冊仍宜似前徽稱爲正且請矜疑起廢不聽


庚午兵部尚書方一藻致仕卒于天津

辛未黃錦爲吏部左侍郎

壬申命翰林官推各部侍郎如吏禮二部例兼侍讀學士銜
惟巡撫不許

癸酉兵科都給事中張縉彥言廣西巡撫林贊爲安南頭目
柰鄭代請王爵臣攷安南自莫登庸篡逆降封都統迨後黎

寧居漆馬江以延黎祀至黎維潭遂莫元宗歲貢方物 祖
宗嘉其宗順准襲准都統使令之請封何功也且黎莫相殘
犬羊素性忽掠都結州忽興謾詞雖朝廷事小不靳殊典而
交夷要挾豈可飾報即贖以鄭柰世拉國柄汲：請封亦非
爲黎固已曠夷德之無厭矣又乃云吮：焉有辭于疆境不
敢不達將懾于黎之狡逞乎抑懾于黎之悖慢乎夫其初請
也部覆止給勅獎初請不許要挾而許之失體長傲惟名與
器不可假人如謂姑與之苟且結局則又不然鄭得其志將
遂悍橫憂即及中土即欲以茅土之券塞谿壑之欲豈可得



哉 上是之

甲戌吏部題選御史 上以科貢並收屢奉明旨今僅鄉舉

三人貢二人不許

衛景瑗王家彥為大理左右寺丞

逮前總督河道工部尚書周鼎：去年餘以河淤逮之而見

任張國維不問

故 喬若雲贈太常少卿

蔣秉忠嗣定西侯

丙子逮巡撫保定黎玉田以部內多盜

降將張一川擊張獻忠于梓潼陷陣被擒賊磔之監軍萬元

吉請命恤其子孥于夷陵

十一月戊寅朔追封悼靈王玄機顯應真君

設遷曰悼靈王才五歲于禮為未成殤其吟嚶之謔語中


上所諱或有物焉以憑之 上素強立亦牀其說封號不

經上及 母后下及天監非禮之禮國將止聽于神諒哉

誅錢尚賓戍錢霖及刑部主事沈延禧

庚辰錢士貴為刑部右侍郎趙維岳為太僕少卿轄西路

戶部尚書李待問請損交際裁工食為恤窮補匱之計從之



監軍萬元吉享士于保寧以進士不一用搃兵虎如虎為大
帥以統之張應元為副屯要害以遏賊歸路

壬午廕大學士張居正曾孫同啟中書舍人先崇禎二年
十二月廕嫡孫縈珩中書舍人


甲申兵兵部左侍郎余斌協理京營王錫宸將德璟為禮部
左右侍郎兼侍講讀學士

己丑 穆廟惠妃馬氏薨謚端恪

壬辰監生涂仲吉奏黃道周通籍二十載半居墳廬稽古著
書晨夜不輟孤踪獨立門無雜賓其一生學力止知君親雖

言嘗過顛而志實純忠今喘息僅存猶手不停披此臣不為
道周而為 皇上天下萬世惜也天下所以不治皆由臣子
不清不勤墮其職業不忠不孝墮其家修道周至清至勤真
忠真孝一旦無端受禍至此豈不傷天人士子之心灰海內
為善之志乎昔唐太宗恨魏徵之面折至欲殺而終不果漢
武帝惡汲黯之直靜諫雖遠出而寔優容 皇上方欲遠法
堯舜奈何智出漢唐賢主下斷不宜以黨人輕議學子行才品
之通政使格之不上

癸巳請明年正月上辛日躬祭大饗殿祈穀 上以曠 禮部



典廢久其議之

甲午戈允禮為順天府尹

丁酉禱雪

戊戌加贈高選光祿寺卿

壬寅上謚 皇考靖妃 氏恭懿順宣

李紹賢為戶部右侍郎督理錢法丁啟睿為兵部右侍郎總

督陝西河南山西軍務

仇維楨改南兵部尚書起吳姓兵部右侍郎周堪賡光祿寺

少卿

福世子由桀薨

癸卯刑部尚書甄淑下獄追贖

工部主事李振聲請限品官占田如一品田十頃屋百間二

品以下遞減章下所司

十乙巳改吏部尚書李日宣告社稷初命禮部右侍郎蔣德璟

以暮喪辭祭

南禮部尚書王鐸憂去


諭兵部机密及祕旨祕諭毋抄傳

建下 邊我錦州之餉官軍戰于尖山西仄塞斬百二十七級

國權

崇禎十三年

三天



甲子夜官軍襲建下營副總兵劉得勝戰沒
內邱土賊數千人據周土寨真定官兵及九邑鄉兵攻之不
克河南巡撫李仙風率諸將高謙李建武擊河北賊于菜園
斬千二百餘級

十二月丁未故相薛國觀奏辨不聽下部院勘議限三日
已酉王裕心為右僉都御史巡撫陝西宋政為太僕卿

辛亥張獻忠陷瀘州城三隅臨江止立石站可北走萬元吉
謀以大兵自南搗其老營伏兵旁塞賊北竄可以盡殲也
及兵至賊已乘間先飛渡河官兵踴躍追之不及

癸丑大學士范復粹上百勝錄

乙卯命陝西撫按以故大學士薛國觀入京即訊


丙辰命刑部繫囚早結毋延斃

丁巳張慎言為南戶部尚書葉紹顯為大理卿李一鵬為左
通政

戊午改封儒學通宣顯應悼靈王去真君號

庚申監生涂仲吉復疏救黃道周上怒下獄

辛酉王國興許龍伯爵一輩王三錫三益各例授都督同知
李國棟太子太保李恒都督同知傅惟柱右都督李國安都



督同知傅國興量授錦衣衛正千戶

刑部主事吳文織以黃道周滯案杖六十下獄

壬戌高倬為尚寶司少卿王志正為大理右少卿

癸亥賊越成都走德陽後至綿河

甲子逮前刑部左侍郎蔡奕琛

乙丑吏部彙叙捐俸官有旨聽諸臣捐非槩之也昨輔臣請捐歲俱俸不必行


丁卯張鏡心為兵部左侍郎添設馮元颺為南通政使

丙子河南內邱土寇千餘人據神頭村總督楊文岳遣總兵

虎大威襲斬數百級乃平

開州袁時中聚眾數萬破開州時壽州賊有袁老山時中自號小袁營以別之

徵宣府總兵楊國柱大同總兵王朴密雲總兵王通及曹變蛟白廣恩山海關總兵馬科遼東總兵吳三桂王廷臣合兵十萬馬四萬騾一萬刻期出關初建下退義州不出總督諫以馬科左光先曹變蛟之兵入關養銳吳三桂劉肇基往來松山杏山陽示進兵時洪承疇駐寧遠以劉肇基短于調度應草任王廷臣代之左光先遣歸白廣恩代之而兵部言建



下雖暫退尚在義州我進兵尚單薄來春敵情叵測宜調宣
府大同密雲保定之兵合督標關門遼左之衆以厚其力數
計十五萬庶可成剿從之承疇又奏行間兵數多以益善敵
日不善兵但行糧後所費浩大必先美糧芻足支一年然後
會兵各鎮庶無飢餓命下戶部自天津海運草束召買于薊
永關連四餉司慮不足一年再四移商
計新舊兵共十萬馬四萬驛
一萬疏上遂調八鎮兵東征
是年兩京山東河南山東西陝西浙江大旱蝗至冬大飢人
相食草根木皮俱盡道殣相望

國權

鹽官設遷孺木著

崇禎十四年辛巳

正月丁丑朔張獻忠陷四川巴州遂犯達州


劉澤深為刑部尚書入獄

故大學士薛國觀奏刑科給事中袁愷誣劾出禮部主事吳

昌時意上下不聽

已卯李自成破永寧殺萬安王采鏗連破四十八寨土賊響
應遂陷宜陽衆至數十萬杞人諸生李巖為謀主以所掠濟

國權 崇禎十四年



饑民故所至咸歸兵益盛

庚辰夜河南兵謀

癸未房可壯為太僕寺少卿

甲申上祈穀大正光明還享太廟

張開獻忠復走開縣人煙絕者七百里初萬元吉欲聞道出

梓潼扼賊歸路楊嗣昌檄躡賊諸軍皆向瀘州賊東返無兵

不可復過賀人龍頓兵廣元不進

錦衣衛左都督孫光先加太子太保

乙酉通政司使施邦曜罷

丙戌御經筵

朱兆栢邱瑜為少詹事纂脩玉牒

戊子吏部言外戚求廢子入監命攷祖制

己丑猛如虎率諸將及賊于開縣會暮雨人力乏請詰朝戰

參將劉士傑曰逐賊四旬僅而及之惟敵是求今遇賊不戰

縱敵失賊誰執其咎乎願為諸將先如虎以親兵從之士傑

奮搏連勝之獻忠憑高見無後繼以銳谷中馳軍後左軍先


潰士傑及游擊郭閔猛先捷皆戰死如虎突圍出馬仗軍符

盡失賊東走巫山大昌萬元吉赴開縣收殘兵祭陣亡哀動

國權

崇禎十四年

二



三軍楊嗣昌聞敗始悔不用諸將扼賊歸路之謀矣
辛卯刑科給事中楊言刑部獄多斃囚命該部叅核各
司官以後因故報部科
壬辰元夕宴百官于建極殿
丁酉盜掠固原監黑水監殺千總戴瑜
戊戌王廷垣為南祭酒
辛丑李自成陷河南殺福王常洵及前南兵部尚書呂維祺
去冬自成復招亡命數百餘人聞福府富時歲荒路茅相望
潛渡河計通總兵王秉忠部下詔入城大肆焚掠執福王及


呂維祺植于西關維祺告王曰名義為重毋自辱王色怖泥
首乞命自成責數其失弒之承奉崔升守屍慟哭乞賊一棺
瘞之升自殺維祺罵賊不屈死又殺河南道副使王胤長知
府亢思檜群盜輻輳自成稱闖王獨雄一部同黨羅汝才稱
代天撫民德威大將軍有眾數萬雒以東屬之自成以邵時
昌為總理令守河南李仙風偵賊已去引兵至時昌來迎仙
風斬之變聞上怒逮總兵官王紹禹磔之籍其家妻子沒
入功臣家并其兄紹舜流大同

設遷曰雒陽之陷雖出慮表然守臣扞極之謂何二十四

國權

崇禎十四年

三




騎致屠全城則衣衾不戒莫夜勿恤也福王以神祖愛
子田祖賜予獨冠三藩東平河間之風無聞梁孝睢陽之
富日著嗚呼侯之門仁義附焉仁義不施乞命蹻蹻至為
千乘之大戒雖蹇值末運獨不當為社稷自愛耶
壬寅黃霧四塞日青無光夜大雨嘉興城震時曰城愁
甲辰夜山東土寇李廷實李昂鉉等陷高唐州時山東盜起
兗州二十餘州縣一時嘯聚惟濟寧滋陽無盜京師道梗省
直餉銀數百萬俱阻于兗州東平州吏胥倡亂迎賊入城據
之搃兵劉澤清破賊復其城

河南土賊嘯聚數千人封邱知縣蘇茂柏擊破之

楊嗣自夷陵泝江入四川歷三峽夔門寇已深入川南漸薄
城都嗣昌從陸至廣安

二月丙午朔鎮定侯肇顧跡提督操江

庚戌張獻忠陷襄陽獻忠前走四川出山谷僻徑直走襄陽
先遣諜入城通獄盜又偽買運車載兵車中為內應詐傳楊
嗣昌令矢十八騎取餉入城夜半舉火開門千騎奄入殺襄
王及貴陽王常法其福清王常澄進賢王常淦及襄陽
知府王承曾等並走免兵備副使張克儉推官鄺曰廣死之



掠官屬宮婢發十萬金賑飢聞河南破仍通自成還攻開封
襄陽守兵數千軍資山積盡為賊有初左良玉掠賊輜重畜
許州為張獻忠取之至是良玉在鄖復置貨孳于襄陽又為
獻忠有良玉馳援不及
辛亥進嘉定伯周奎少保左都督周鑑太子太師周鉉右都
督周鉞周鍾並錦衣衛指揮同知
諭各撫按捕蝗種

壬子何瑞徵管紹寧為左右庶子兼侍讀黃起有周鳳翔孫
從度為左諭德兼侍讀

命戶部上去年屯穀之數限十日

張獻忠陷樊城

癸丑李存善嗣武清侯

甲寅內官太監陰象坤提督太和山

丙辰黃道周解學龍上獄下鎮撫司詞連黃六煥陳天定文

震亨孫嘉績楊廷麟劉履丁養河田詔俱講學友也

光祿卿徐石麒言戶工兩部題留截留外止二十一萬餘金


十一年十二年虧十五萬有奇所以然者有三曰題奏太緩

罰處太輕事權相隔 上是之令嚴加叅罰

國權

崇禎十四年

五




戊午山東土寇掠東阿汶上時東寇益熾徐德千里白骨縱
橫又旱荒大飢民父子相食行人斷絕
李自成合群盜攻開封開封為宋汴京完顏亮益增築堅厚
五丈賊以洞車障士傳城穴之七晝夜不息鑿深者四丈有
奇。巡按高名衡嬰城守固餉匱周王恭枵出庫金五十萬買
米麥餉守陴者復募死士殺一賊予五十金斃賊甚眾賊退
數舍。李仙風率諸將高謙馳救陳永福背城而戰二日三
捷賊退
己未張獻忠陷當陽郟縣

辛酉徐石麒為通政使呂大器為右僉都御史巡撫甘肅曾
櫻為右副都御史巡撫登萊
上疾良已進范復粹少保建奇極殿大學士張四知太子少
保武英殿大學士魏炤乘太子少傅文淵閣大學士陳演禮
部尚書兼文淵閣大學士各賜金幣
命范復粹清獄

壬戌巡撫山西宋賢言大寧河清七日


乙丑夜張獻忠陷光州

丙寅土賊陷河陰據之游擊高謙攻圍七晝夜拔之斬其魁



丁亥夜山西偏關頭天鳴
已巳召閣臣范復粹張四知謝陞魏炤乘陳演禮部尚書林
欲楫侍郎王錫衮蔣德璟尚書陳新甲禮科都給事中葉高
標戶科右給事中章正宸禮科右給事中李焜給事中陰潤
周正儒兵科都給事中張縉彥駙馬都尉冉興讓等于乾清
宮之左室初 上稍遠和問安訖諭曰歲飢盜獗至陷雒陽
戕福王朕不德一至此泣下閣臣引罪 上曰否 興讓此
言係氣數復粹亦如之 上曰非也雖氣數亦賴人事幹旋
旋閣臣回請河南賑飢又都下粥廠多至數十萬當設法遣


回原籍 上曰待二麥熟雨足彼自歸矣出縉彥疏及巡按
河南高名衡疏內引福世子由崧諭禮縉彥曰臣河南人也
聞福世子逃孟縣 人郭必信來故知之 上曰必信云來
何曰必信見世子衰服且遇害日有內員環泣不去問內員
云何名曰崔升問世子若何曰世子衣不蔽體尚從王府官
數人校尉三四十人 上又泣下縉彥曰福王與德王事必
祭墓慰問宜從厚 上然之林欲楫請如德王例告廟慰問
世子仍察宮眷存亡旌恤殉難諸臣下哀痛之詔收拾人心
科臣以次奏李焜曰督師出兵餘一年惟瑪璫山報小捷恐



師老矣宜另擇一人佐之 上曰督師去河南數千里安能
懸制爾輩須設身處地毋任愛憎熗曰惟難懸制故乞佐將
上曰已遣朱大典章正宸奏闖寇自四川至陳新甲曰自陝
西至 上曰昨摠督宣大張福臻殺夷丁雖因鼓譟逃出然
在營尚多或疑而不測卿何無責成也新甲引罪又曰草左
等賊立限已稍寬半月一督責未遲因命興讓及摠督京營
司禮太監王裕民慰福世子察宮眷及殉難官民初發帑金
十萬賑山東河南真定保定至是發三萬一千金付裕民贖
賑諸宗

庚午楊嗣昌自蜀至夷陵部下請恢復不答還荊州遣人招
其家至

辛未巡按陝西御史陳羽白言年來牧廐久虛篋運不至為
說有三曰茶道之不通從來茶商招于山陝買于川湖賣于
西郵而運茶水陸不下數千里今荒寇劫掠或茶焚而空引
或引劫而空商或商引茶貨盡沒臣甫入境哀訴銷引者比
比曰派牧之不均牧規列為三月驟馬二兒驢馬各一中戶
驟兒驢馬俱一下戶給兒驢不給驟馬每二年編審改造令
買囑賄免上戶地連數頃馬無一匹下戶貧無立錫領馬數




匹多日責成之不專從來中馬屬洮岷臨鞏西寧等道七監
監臣若本省則關南隴西右守 巡四道四川則川北守巡
安綿安備三道湖廣則下湖南守巡二道其職銜原有茶法
今道路梗塞各置若罔聞又苑寺一卿視為閑局又何怪乎
茶運之不通派牧之無法也 上大是之。

洪承疇恐薊永漢夷雜沓令總兵白廣恩屯薊鎮曹變蛟屯
豐潤侯各鎮兵出關而後行大同總兵王朴至永平南關夷
丁叛者千人永平兵追斬八級曹變蛟追之鴉峰橋斬四十
九級白廣恩追之三河斬五十五級餘就招撫

賀一龍左金王初因張羅二賊遠竄豫皖兵四集故歸款楊
卓然議置之潛山太湖賊借款以緩師公行肆掠及聞襄洛
陷乘机復熾詔朱大典進搃督節制諸鎮兵進英霍以討之

三月丙子朔楊嗣昌自經二月晦即嗣昌生日宴沙市徐吏部
園中忽左良玉檄至曰待明日啟又尋閱之乃責師視玩寇
貽患蓋良玉前從急擊張獻忠也明嗣昌屢檄不悅自督師
視事來連失郡二州三縣十九又陷親王二度必不免翊旦
自經監軍僉事楊卓然以疾聞嗣昌字子微武陵人萬歷庚
戌進士授杭州教授轉南京國子博士戶部主事歷兵部右



侍郎提督宣大憂去奪情起兵部尚書兼東閣大學士以叙
陝西三鎮功廢錦衣衛百戶因邊警鑄級視事尋奪秩冠帶
視事會叙功復原秩至是督師剿寇八省賜尚方劍即撥遼
餉充費餉足而民怨已極叙提加太子少保既沒上憐之
有言其服毒死者輒譴後叙甘州功贈太子太保
設遷曰武陵小有功才辨偶當上意權兼將相受脹而
出戈甲如林蹴張獻忠于瑪瑙山中謂寇在吾目游魂懸
刻孰知潛影蔓延一發而莫之禦哉千丈之隄潰于蟻穴
事無可忽也或以蜀撫邵捷春疎防致之然寇難以來未


嘗藩陷封傾重鎮也今河南襄陽勢或滔天而猶遣之于
司敗之律武陵亦厚幸矣哉

丙戌張克儉為右僉都御史巡撫河南

前巡撫寧夏焦馨卒

丁亥方拱乾為左春坊左諭德朱統錦楊光先胡世安徐汧
為右春坊右諭德

先是陝西巡按御史謙秉謙貪酷左都御史鍾炘糾之逮于
家自華亭道濟南會城陷不知所終至是命覈秉謙實跡
蔡弘毅王政為署都督僉書事提兵官鎮守浙江廣東



吏子吏部尚書李日宣覆奏久任責成謂贍狗鑄二級
已丑魯王以派捐金募兵于山東以防盜
辛卯逮河南巡撫李仙風仙風自經
兵部尚書陳新甲鑄三級
夜月食

壬辰以大光明殿隘來年祈穀仍大亨殿
李自成陷歸德商邱知縣梁以樟逃至淮

甲午戶科給事中左懋第劾故督師楊嗣昌受事以來虛恢
欺飾所至以精兵自衛在楚則徵蜀之精兵自衛而張獻忠

得入川在川則盡楚豫之精兵自衛而李自成得陷雒寧使
藩封亡而身獨存社稷危而身獨安嗣昌之心尚可問哉

巡按河南御史高名衡為右僉都御史巡撫河南


丙申洪承疇曹變蛟白廣恩吳三桂王廷臣至寧遠承疇至
松山視我兵將少不足禦乃調宣大提兵王朴楊國柱薊鎮
提兵唐通榆林提兵馬科抽練兵共七萬建遂自義州大
舉入犯。

丁酉博平侯郭振明益歲祿廢錦衣衛指揮僉事進郭起龍
少保夔龍太子太師游龍都督同知可登右都督

國權

崇禎十四年

十一



庚子總督陝西三邊鄭崇儉下獄

辛丑逮撫呂鄭袁繼咸奪巡撫湖廣宋一鶚官戴罪視事

祖大壽合諸軍擊建下于錦州斬三十六級明日再戰下遁

癸卯起傅淑訓工部右侍郎王永祚為右僉都御史撫治鄖

陽張瑞為光祿卿

建下回店山仍因錦州

乙巳少詹事邱瑜奏襄言陽敗壞今收拾之宜恤難宗擇吏

才上是之

是春招安河南內邱西山餘寇

寇攻寧津三日破之殺知縣朱敏汗光祿卿魏持衡

四月丙午朔起黨崇雅太常卿

立故都督劉綬祠

都督同知牛成虎仍總兵官鎮守臨洮

庚戌工科給事中李如璧追論故督師楊嗣昌之失


大學士魏炤乘上章字訛罰俸三月

辛亥浙江金衢道副使

請寬南北災民練餉報聞

刑部主事雷演論楊嗣昌六罪可斬曰夫封藩陷郡邑曰叅

撫臣以追責曰華嚴經滅蝗誦咒消賊曰張獻忠入川單袴



縱迹曰賄題監軍曰交結朋黨疏入不報

辛亥官軍再擊建

壬子蠲安慶崇禎十年以上逋租以後率之

官軍力竭回寧遠錦州東關副總兵那木氣都司桑永順故
胡人遂叛降建下東關陷建下益攻錦州掘塹壘牆為久困
計祖大壽力拒四月餘時巷戰復東關洪承疇進至松杏

癸丑御史金蘭為應天府丞

司禮太監崔璘有罪免

乙卯通政司使徐石麒以前鎮江知府印司竒許奏推官雷

起劍及前巡撫張國維兵道曹化龍久不結即命勘

戊子 劉光祚以為事官赴行營

張獻忠攻應山知縣張日輝拒却之遂掠隨州


辛酉命廷臣定楊嗣昌罪

癸亥工科都給事中張縉彥言科貢選法曰單選嘉靖十三
年朱隆禧選授兵科周洪範授御史俱獨選單題令行撫按
察糧完欠完則刻期開復起送曰減俸內地有城守軍功經
薦宜減年與甲科同日擢教秩科貢出身半淪教秩 成祖
嘗曰教官果稱師範陞六科理事令貢士三薦以上歲貢兩

國權

崇禎十四年

十三



歲以上如縣官行取曰廷試選用貢生年深再坐監始選有
司多衰老且廷試次日通候過堂擇壯年授以民社曰廵方
曰薦舉曰京秩改授章下所司

甲子進丁啟睿督師兵部尚書賜尚方劍節制陝西河南四
川湖廣鳳陽應天安慶仍兼督陝西三邊蓋陳新甲薦之也
乙丑諭吏部凡知縣推官賦完始考選否且回任仍及科貢
戊辰張忻為光祿少卿
己巳許鄉試副榜部試授官同科甲考選

庚午前大學士錢象坤卒字弘載浙江山陰人萬曆辛丑進

士授檢討歷禮部尚書崇禎己巳兼東閣大學士庚午進加
太子太保吏部尚書文淵閣大學士以叙實錄用進武英殿
辛未致仕


張獻忠羅汝才合兵陷隨州殺知州徐世淳合家被殺屠其
民流血成澮後贈太僕少卿立祠
官軍擊建寧斬三十九級以水師奪朝鮮餉道俘其臣李舜
男等二百餘人命副提兵王武結等歸之時我遺書孔有德
耿仲明尚可喜等以間之不入

辛未命刑部刪正律例進覽

國權

崇禎十四年

十四



進外戚袁祐太子少保袁瑞龍錦衣指揮使

癸酉臨淮侯李弘濟卒于東昌

甲戌成國公朱純臣新樂侯劉文炳禮部尚書林欲楫擇形家勘應天鳳泗山陵禁近地開採林欲楫薦浙江提學副使王應華同往先是有以近陵斲山伐木訐告者故有是命

召前大學士周延儒張至發賀逢聖入朝先是丹陽監生賀順醵金都門虞城侯氏三千金餘各互輸約十萬緡以賄太監曹化淳王之心王裕民等命少俟之又踰年更醵如前之半果再召。首捐

開封大疫

五月己亥朔錦衣衛左都督孫光先加太子太師

賀人龍敗賊于靈寶山中


江南崇明盜顧榮犯太倉州尋遁

命淮安徐州天津諸鎮提兵劉良佐楊御番張汝行護漕防河

丙子巡按山西御史李請止納貢杜倖門不允

土司岑光祚 土司懷 爭界訐奏命撫按諭解

丁丑土寇袁時中眾至二十萬自宿毫掠蒙城礦盜蟻附朱



大典督諸軍擊敗之潛棄牲畜宵遁

戊寅諭祭楊嗣昌一壇閔其盡瘁也

己卯南祭酒許士降尚寶司丞

庚辰大學士范復粹致仕

庚子土寇犯徐州焚北關其掠南沙河店者燬漕舟十六艘

復入東平州圍豐縣徐州賊合之攻益急東平賊首李青山

屯于梁山

辛丑前巡撫湖廣方孔炤同妻戍邊

壬寅前禮部尚書黃汝良復太子太保

葉初春為大理左寺丞

癸卯王世國進太子太保

寇陷河南信陽

六月乙巳朔太山盜萬餘人窺兗州官兵却之

丁未沈維炳為左通政

己酉兵部右侍郎添設李栖鳳卒


庚戌刑部右侍郎錢士貴卒

賀一龍左金王陷安徽宿松英山朱大典駐師壽州會軍進

剿賊聞合屯于潛山縣

崇禎十四年

十六




戶部請設漕運總督命議之

丙辰張宸極為右通政

乙卯劉廣生為南刑部尚書史可法為戶部右侍郎總督漕
運兼巡撫淮揚鳳泗惠世揚為刑部左侍郎徐燿為右僉都
御史

丙辰官兵戰松山石門皆有斬獲建下雖未退其鋒稍挫兵
部尚書陳新甲屢陳敵情欲出兵塔山迨大勝堡攻敵營之
西北出兵杏山抄錦昌攻其北出兵松山渡小凌河攻其東
又正兵出松山攻其南命下行營議之雖八鎮兵僅白廣恩

馬科吳三桂敢戰餘可合力若分三將于三路慮眾寡不敵
若五將佐之誰為軍鋒兵少勢弱洪承疇請且戰且守略曰
久持松杏轉運錦守頗堅未易撼動若敵再越今秋不但敵
窮即朝鮮亦窮矣此可守而後可戰之策也今本兵議戰安
敢遷延但轉恐輸為艱鞭長不及國體攸關不若稍待使彼
自困之為得也 上是之而新甲執前議職方郎中張若麒
躁率喜事見立小勝謂為圍可立解上密奏命留關外料理
新甲東承疇曰近接三協之報云敵又欲入犯果爾則內外
受困勢莫可支台臺出關用師年餘費餉數十萬而錦圍未



解內地又因斯時台臺不進山海關則三協虛單若往遼西則寶山空返何以副聖明而謝朝中文武諸人之望乎主憂臣辱台臺諒亦清夜有所不安者承疇既檄又奉密勅刻期進兵新甲薦前綏德知縣馬紹愉為兵部職方主事出關贊畫若麒紹愉並謂我兵可戰遂不用承疇持久之策

辛酉巡按陝西御史陳羽白奏出漢中至徽州惟白水江為咽喉自徽至鞏昌府惟秦州三十里為適中孔道其三十里店移秦州守備駐札若白水江舊置口舊設守備兵八十人今棄信地且還戍兵二百人馬二十匹至略陽上至徽州護


送官查沿塗荒濶酌築房舍十餘萬區寓茶從之

乙丑故都督杜松予祭葬

命法司定薛國觀罪

丁卯在繫故刑部右侍郎蔡奕琛言去夏六月同邑諸生倪襄贄於復社盟主庶吉士張溥之門歸見知縣丁煌誇溥大力可立致人禍福因言及臣旦夕有禍煌怪之舉以相告尚謂諸生妄說未几而王陞彥誣臣矣一里居庶常立復社樹黨招權豈不異哉有旨令丁煌指奏

已巳管紹寧為南少詹事



壬申羅大任為司業

總督朱大典請專徵本色可濟兵便民從之其麥折米漕運

豈不許

癸酉兩京山東河南浙江旱蝗多飢盜

張獻忠李自成不相下羅汝才亦忤獻忠獻忠奔鄭西自成

汝才分兵下東南

七月乙亥朔吳太冲為南司業

戊寅臨清運河涸

己卯張獻忠圍鄖陽官兵拒之多殺傷乃遁

庚辰青南吏部京察愆期尚書涂國鼎吏科給事中屈動御

史葉樹聲言道梗

賀一龍陷潛山遂圍麻城督師丁啟睿大敗之斬千二百餘

級解圍遁

甲申蠲霍邱逋租

丙戌上御經筵以錦州事問兵部怪近日無報且曰此一


舉也解圍固為勝着但兵未離險甚為憂之

新樂侯劉繼祖母徐氏夢孝純皇太后勸上仍法膳以

奏之盖上疏食

國權 崇禎十四年

九



傅淑訓為右都御史行戶部右侍郎事催餉

巡漕御史吳邦臣稽運逮之

丁亥召賜正一嗣教大真人張應京于會極門

辛卯鄖兵與張獻忠敗戰績獻忠遂陷鄖西斷鄖兵一手縱歸以辱官軍

甲午錢元愨為太僕少卿

追封皇幼弟簡懷王慧懷王皇幼妹悼溫公主

戊戌宴衍聖公孔胤直五經博士孟聞玉

己亥蔡奕琛又奏廢吉士張溥故禮部右侍郎錢謙益等倡

復社朋陷及臣命溥謙益各具奏先是無錫東林書院萬歷

中三吳士大夫林居講學及援引登用目為東林黨崇禎初

吳中士人締復社選義刊布海內科第遞進援引更廣

蠲襄陽逋租


庚子洪承疇誓師援錦州時兵部主事馬紹愉來練車兵議

戰

壬寅洪承疇進兵明日抵松山夜見建下屯乳峰山之東傳

令我兵中夜登乳峰山之西角其勢乳峰距錦州五六里俛

視如几席炮石相應又東西石門並進兵分敵勢俾腹背受




攻立車營環以木城部署略定建下大駭初下遼人自建
逃出云彼今秋不得錦州議撤兵回因朝鮮糧盡騎日二
案步卒一聚而建下苦餉少流言入犯三協以張之本兵陳
新甲張若麒馬紹愉之言趣戰

八月甲辰朔命山東副總兵黃胤恩海運萬三千石准揚召買
八萬石吏部言總漕淮上宜重臣史可法朱大典任之可法
總督漕運巡撫鳳陽大典提督鳳陽等處軍餉報可
乙巳陽和總兵楊國柱管未定敵感之敗沒敵快入車營礮
大發斬百三十級擄王子谷及孤山牛鹿殺二十餘人

李輔明代統楊國柱兵祖大壽分步兵三道突圍下三重攻
穿其二隔于外援而止張若麒報宜告廟宣捷任臆誇詡而
不顧其後也

丙午許定國為署都督僉事總兵官鎮守山西
丁未崔元之為右副都御史巡撫延綏
故巡撫四川邵捷春獄死上疑刑部違辟責其回奏
辛亥夜令錦衣衛左都督郭承吳賜故大學士薛國觀死誅
中書舍人王陞彥各籍其家國觀字家相陝西韓城人萬歷
己未進士授萊州推官擢戶科給事中天啟丙寅遣勘東江



毛文龍尋與許譽卿沈維炳交評乞終養後補科都給事中轉太常少卿左僉都御史進禮部左侍郎兼東閣大學士加尚書首輔尋進太子太保文淵閣大學士進少保改吏部尚書武英殿庚辰主禮闈以王陞彥通賂遣去坐贓九千餘金沒田六百故宅一區妻子不能償棲于城隅初國觀免官命伺其歸則陞彥至執下獄陞彥為吳昌時甥臨刑曰此舅氏所作我若有言即累名教矣

設遷曰陰賊險狠莫如烏程而韓城遠未之逮獨以疎收之性岸然自是取忌含沙無端一工曹躡進見沮株及

政府易日昂足折覆公餽其刑渥韓城固自貽伊戚而國家心膂之任于焉盡喪識者未嘗不為之三嘆息也

傅鍾秀為太僕少卿

建_上攻乳峰山西營禦卻之斬六級連日再攻再卻之


壬子官兵分兩路攻西石門搃兵王朴戰敗各將俱沮

癸丑我戰稍捷建_下自是不復出請濟師馬紹愉語洪承疇

宜乘銳出奇擊之可以壯錦毋待老憊之至承疇不納而長

嶺山自塔山迤邐至錦州延松山城之右大同監軍張

斗言宜駐一軍于長嶺山防其抄我後承疇亦不納且曰我



十二年老督師若書生何知

丙辰卜應第為平羗將軍都督同知總兵官鎮守甘肅

前巡撫甘肅梅之煥卒

丁巳官軍戰東西石門不利

庚申再戰斬十三級

辛酉上幸太學以重脩成也正一嗣教大真人張應京請

扈從臨雍先期司禮太監王德化奉命率群臣習儀太學前

此未之有也與唐魚朝講經元李邦寧釋奠何以異

恭順侯吳維英總督京營

建下喝以三千騎來援午刻據長嶺山聲言困松山城我

逆其詐不動自錦州至南海角度地之高下建濬溝探土指

日間濠深八尺廣丈餘允濠三重我師反困于內

壬戌官軍連戰三日俱利

甲子合戰我兵奪其大旂三斬九級喝曰南兵殊異他時


將遂旋我師故將孔有德等輩止之

張若麒加太僕少卿

乙丑諭禮部宋儒周子兩程子張子邵子有功聖門與

朱子

周秦漢唐諸子並稱先儒朕心未安其議之



許江北麥代田租

錦衣衛左都督孫先先加少保

起劉澤清右都督總兵官鎮守山東

喝計必困松山城困我兵力既掘濠築垣攻松山斷我

餉道蓋乳峰在錦城外而松山又乳峰外也我餉乏洪承疇

謂其下曰敵兵新舊迭為攻守我兵既出亦利速戰當各勅

厲本部力鬪余身執桴鼓以從事解圍在此一舉而諸將謀

回寧遠就餉薄暮張若麒與承疇書曰我兵連勝今日再鼓

亦不為難但松山之糧不足三月但且敵不但困錦又復困

松山各帥既有回寧遠支糧再戰之議亦似可允于是諸將

議不一或明日戰或今夕戰或圖再舉承疇曰往時諸君俱

矢報効今正其會雖糧乏被圍宜明日告吏卒守亦死不戰

亦死若戰或可幸萬一不肖決意孤注明日望諸君孤注悉


力方送諸將出總兵王朴怯甚已先遁于是各帥爭馳馬步

自相蹂踐弓甲遍野望火光謂敵在不之前走還為伏甲所

截大潰總兵曹變蛟王廷臣突入松山巡撫遼東邱民仰誓

與承疇同守承疇夜留兵三之一嬰城其二決圍衝陣建


邊之尖山石灰窰我力戰建斬卻俄雲合不得入城移屯



海岸盡没于潮才脫二百餘人獨白廣恩回松山若麒紹愉
得漁舟偕諸監軍逃至寧遠奏承疇失計異自免也承疇令
廣恩同都司雷起鰲議東走小凌河襲建下老營走國王碑
歷錦昌大勝間自北下後進小紅羅山請兵解圍是役也輕
進頓師進不能突圍退不能善後形見勢詘彼全制我重臣
宿將選卒驍騎十萬之衆覆没殆盡則張若麒一人誤之也
或曰兩軍隔一山而陣方交鋒官兵銳甚建下亦力禦喝
急撤後隊間道突我後我稍亂遂大潰

設遷曰蜀人陳盟記建下事云絕松餉道營南山唐莊為


為困松計我兵方盛或請以精銳決戰而出奇夾擊分兵
襲南山可以得志否且退保杏山杏山去松僅一舍徐圖
制勝彼必走洪皆不能用張若麒以督戰至與洪不協言
無得入洪以松小不能頓多兵乃令各帥回杏山就食其
說蓋出鄉人馬紹愉歸獄搃督非確案也大敵在前豈有
退師就餉之理曹彬敗于岐溝宋太宗尤之正以此洪搃
搃督有激而出宜乘其待援賈銳突圍否則分屯長嶺山
接我餉道計之次也噫自遼難以來懸師東指決十萬之
衆于一戰惟楊鎬與洪氏鎬分兵而敗洪氏合之亦敗其



失並也。然乳峰之役，駸有勝勢，相持浹旬，重圍未解，先發者制人，後發者制于人，語不虛耳。時宜興再召故帥杜弘域，就謁曰：「相公入朝，願首以松山為急，國家安危係焉。舍此無可措手矣。」宜興視之，蔑如也。九塞之精銳，中國之糧芻，盡付之于一擲，竟莫能續禦，而宗廟社稷以墟矣。思之，思之。陳新甲、張若麒輩，其肉豈足食乎？

已已巡按陝西御史陳羽白上籌牧八策曰：有地無軍，合七監牧丁額一萬六千一百有奇，今不上三千，若行原籍勾補，將三五年未得終事，乞將招撫餘民能自買驃馬一匹，許即

承牧地三頃，給照永遠，曰有軍無馬，審有力者買驃馬一來，歲課駒稍力者兩軍共買一候，課駒分養無力者兩軍共買一官，貼其三分之一，曰有馬無駒，請月稽之，或前月定，次月定，再次月定，監官登冊，扣某月應生，至期稽核，無則追補，為季報。曰群內混養舊例，群五馬，驃馬四兒，馬一今群內驃馬斃，不買補，輒養驃馬于孳生，何裨也。今不許混養驃馬，曰換賣倒斃，曰種馬無資，七監每驃馬領地歲科銀六錢，合七監共二千一百七十一金五錢七分，供靖兵餉，今無種馬，或權留兩年之額，解使本軍貼買，曰京例年例七監歲京馬五



百匹蒙免二百七十匹尚解京馬二百三十匹且稍寬此二
例曰策應不等安定廣寧開城黑水皆西屬固原萬安清平
武安皆東屬平涼各有叅游等營可以策應有旨種馬無資
闕額餉京例年例闕解額俱不得輕議餘從之羽白又奏臣
閱安定監舊報馬五百五十一匹今存四百二十匹廣寧監
舊馬六百四十八匹今存二百八十一匹武安監舊四十八
匹今二十二匹清平監舊馬二百七十四匹今十一匹萬安
監舊馬四百四十一匹今四十一匹黑水監舊馬七百五十
二匹今七匹開城監舊馬一千九十三匹今二十六匹四監
之馬不上五千匹詰之非曰寇掠則曰餓死非曰監城不保
則曰收軍併盡察清平兩經寇陷監正游之雲飢死餘官乞
分別嚴處


九月甲戌朔

戊寅摠督陝西傅宗龍率兵四萬自新蔡渡河與保定摠督
楊文岳合兵趨項城是日李自成亦渡河走汝寧伏于孟家
庄已卯官兵遇之大敗摠兵賀人龍虎大威北奔李國奇從
之賊攻二督營以火礮却之保定兵宵潰文岳夜奔項城宗
龍固壘力守

國權

崇禎十四年

三




庚辰傅宗龍檄賀人龍李國奇還救不應遂奔陳州被圍僅
部卒六千人乏食殺馬騾以享軍復盡乃殺賊屍分啖之
辛巳改東廠銜稱提督京營稱總督
癸未命福世子由崧還河南
甲申楊繩武為兵部右侍郎總督關薊遼津通等處以洪承
疇受圍故代之

劉宗周改吏部左侍郎高斗光為兵部右侍郎添設
前大學士周延儒賀逢聖入朝仍直文淵閣
丁亥夜月食

辛卯傅宗龍出戰先川兵臨陣慮步不能禦騎令移于陣後
陣亂李自成乘之我大潰
壬辰傅宗龍走項城被執罵賊死之遂陷項城屠之分兵屠
商水扶溝宗龍字仲綸雲南昆明人萬歷庚戌進士詔復兵
部尚書


皇子慈烱封定王

丙申前南光祿少卿錢三策上三疏一奏前兵部侍郎光吳
義一奏前通政使李一鵬一奏徐石麒石麒麟駁之以聞
諭吏部曰邊患方殷軍食告亟司農仰屋無措官胥浸沒公



行而釀弊最深侵尅最甚者無如權閹各閹原有額稅近以
遼剽等餉少有增加擬取盈于羨餘非苛求于商旅乃婪官
奸胥濫科充囊假科潤私朝廷當加課之虛名司閹享侵牟
之厚利賈販因而農足儲會益復空虛蠹國病商良可痛恨
以後各閹差闕南北工戶二部不必拘定司官循例差委着
兩京大小九卿翰林科道及在外督撫巡按各保舉清官在
京如各衙門司官中行評博等在外如監司府佐推知等但
係行已端潔清曠無染之人聽其保舉授以權差釐奸剔弊
年滿所入不限舊額分文登簿解部充餉立與超擢清華仍

破格叙錄以儲銓憲之用保舉官一體加陞如仍橫征苛斂
徒侵羨贏或仍飽私橐各撫按訪寔疏叅保舉官連坐除臨
清河西照舊差委俟盜平另議外其北新許野蕪湖九江荆
沅等差遇闕即另舉擬用仍暫帶部銜并受部考成
左良玉大敗張獻忠于信陽得馬萬餘匹降數萬人獻忠僅
百餘人易服夜遁伴死匿山中良玉軍聲大振羅汝才走浙
川以合于李自成時自成兵五十萬故汝才往附之
戊戌李自成羅汝才合兵破河南葉縣殺守將劉國能初國
能與自成汝才盟而盜國能降恨之至是乘勝拔城責負約



殺之贈左都督國能至孝就撫乃奉其母命也


十月癸卯朔改陸朗李維樾熊汝霖陳泰來韓如愈高翔漢李士焜戶工科給事中催漕徐殿成左光先金毓峒李仲熊王鼎鎮高允茲馬孔健鄭崑貞李悅心劉之渤衛楨國朱奉鈞陳蓋楊仁愿霍達潘世奇為試御史

丙午日食

壬子葉廷桂為兵部右侍郎巡撫遼東寧錦

丙辰吏科給事中沈迅言起廢諸臣除逆案封疆贓罪計典外從來廢籍宜清察臚列悉聽 上是之裁從之

戊午山西道御史鄭崐貞上言自建 據義州前撫臣方一藻復義之策當事闇于此未几而建 果圍錦州矣其圍錦也深溝以困之蓋誘我之兵萃于此別有啟疆之謀欲解錦圍須俟其相持稍懈漸出奇計以驅之豈有統全軍而注之孤危之地首尾全無顧應墮其術中如今日者昨樞臣會議云寧遠見兵三萬撫鎮皆得人夫兵非萬非不衆也今圍城析骸之餘望救中國即長圍未解建 亦未敢突而窺寧遠是張救錦之聲勢正是為守寧之寔若若撫鎮擁此三萬人不敢越寧城一步萬一建 以困錦者反而困寧則區區寧



遠其不足為關門之蔽明矣。

張獻忠收餘盜數千走鄖陽驟遇官軍不戰而潰棄馬騾二千獻忠負創部曲日逃僅隨數百人

戊辰特設裕國足民科奇謀異勇科訪求徵辟稱朕破格旁求之意


設遷曰漢文帝好黃老而民安武帝好制作而民困在人主寬簡不在破格立法也 先帝時稱法祖于累朝條列紛更已極而不得其源事多繁苛民多愁怨旱疫飢饉無歲不徧戶絕生望已形已肇而猶焦神極慮覲偉異才不

亦億乎

泰安土寇田得茂等數千人轉攻濟陽等縣巡撫山東王公弼絕不為意貽書都下云山東了無一賊

復遣太監盧九德劉元斌率京營兵入河南九德與總兵周遇吉黃得功合追賊于鳳陽及之元斌駐歸德南四十日不進城門晝閉縱諸軍大掠殺樵級冒功已而欲攻城索賂乃免

張獻忠掠桐城糾馬守應賀一龍左金王諸賊自霍山復出左良玉兵至臨潁民為賊守良玉屠之盡獲賊所掠李自成




怒來攻良王退保郾城

十一月癸酉朔提督太和山內官監陰象坤毆均州諸生蔣懋孚下獄死巡撫宋一鶴以聞上責提學僉事李世泰泰引咎且奏象坤初至謁文廟倣按臣禮坐明倫堂講書士林哂之因構衅命下巡按御史彼內臣謁廟講書果故事否

甲戌命禮部上定王出閣儀注

余璫為南兵部尚書范志范為右僉都御史提督鴈門等關兼巡撫山西張爾忠為右僉都御史巡撫陝西
丙子李自成陷南陽殺唐王聿鍵于麒麟閣分守道叅謀艾

毓初總兵劉光祚南陽知縣姚運熙死之初牛金星薦術士宋獻策于李自成封軍師獻策永城人年十八孩兒當主神器必先取南陽為入秦計遂圖之艾毓初與劉光祚竭力拒賊食盡援絕毓初題于城樓有長弘化碧非奇事留取孤忠向九天之句遂自縊光祚遇害于城上初寇已入南門適總督楊文岳至遂出頃之文岳去南陽仍陷太監劉元斌聞之乃擁婦女北去俄命御史清軍元斌倉皇皆沉之于河自成妄意窺鼎下令召四方賊日連營馬盡忠不從降于左良玉張獻忠知將不利于身由楚入蜀羅汝才從之合圍汴梁



以天下之中圖大事者所必爭也

已卯禁朝臣私探內閣通中貴于是待漏俱露立毋敢入直
楊士聰曰兩闕及承天門端門懋足之地皆不得入其寔
交結內侍不在此也此等中官有何可結彼密邇奧援在
不見不聞有以千百計者孰從而致詰乎

辛巳南右都御史張延登辛自華東山東鄒平人萬歷丁
進士

癸未進周延儒少師中極殿大學士廕中書舍人

乙酉

李三奇贈光祿少卿


戊子兵部左侍郎吳桂巡視京營戎政宋政為工部右侍郎
梁雲構為順天府丞

傅陞馮元繼為右僉都御史巡撫天津

兵科給事中范士髦請有司九年陞轉毋更調下部議

辛卯 上南郊

豐城侯李開先言賦役全書設而往之多拖欠何也浙直之
弊半在奸胥問百姓則年納一年少分毫猶加鞭扑奸胥侵
染任其影染重累百姓一遇赦除則百姓不霑奸胥飽腹雖
計部叅罰司收降謫猶不能窮盡蓋頭緒多端條鞭外有遠



餉遼餉外有練餉至各省脩城實器並無他出亦不過派之
田畝一限不寬二限繼之行政書借為生涯差役因之營活
地畝之出凡何終歲勤動且不足以完賦而竟竭力以供若
輩貧民不安其身而富民咸怨其產矣
遼東大雪文餘建糧芻俱盡將解圍而歸慮我躡之俾西
卜入關求和兵部尚書陳新甲信張若麒之言許之

十二月壬寅朔許潛山宿遷太湖各縣輸麥代漕米懷安桐城
望江亦如之准十之六

乙巳 上閔塞許刑部囚保外限二月出獄

李自成陷襄成知執縣曹思政邑人 知府姚成性以去


守將萬慶死之至許州殺教諭馮 訓導張

前刑部尚書甄淑卒于獄

丁未南戶部右侍郎楊方盛罷

庚戌張三謨為大理卿張瑞為左僉都御史張鏡心劉餘祐
為兵部左右侍郎王志正為少僕卿王家彥為大理左少卿
雷躍龍為吏部右侍郎

李自成連陷洧川許州長葛通許鄆陵鄆陵知縣劉振之力
誣衣冠入縣治北向再拜自引刃死典史杜邦舉被殺振之



字南強崇禎庚午貢士由東陽教諭陞贈太僕少卿廕子入
太學

丁巳土寇陷張秋鎮通判馬元善先遁其魁故搃兵劉澤清
降盜也


庚申故山東搃兵官

大敗李青山于石萊山

癸亥傅淑訓為戶部尚書馮元颺為兵部左侍郎添設巡撫
山永朱國棟以兵部右侍郎改鎮昌平范志完為兵部右侍
郎搃督薊閔通津熊奮渭為南戶部右侍郎搃督糧儲
甲子黃道周成辰州衛解學龍成 衛初刑部尚書

徐仲吉

劉澤深擬道周瘴戍再不允因奏道周之罪前兩疏已嚴矣
至此惟有死。生之際臣不敢不慎也自來論死諸臣非封
疆則貪酷未有以疎言誅者今以此加道周道周無封疆貪
酷之失而有諫言蒙慘之名于道周得矣非我 皇上無不
覆無不載之全體也且 皇上所疑者黨耳黨者見諸行事
相聚訟言乃為立黨道周自上疏空言無當睿照一臨肝胆
寒裂如某等始不嘗不相與今且 之短之道周亦不較焉
有所謂黨而煩 聖明之震怒朝廷之大法耶去年行刑時
忽傳旨停免今 皇上豈有積恨于道周萬一轉圜動念而



臣已論定噬臍何及所以當此生死之間不敢不慎亦惟思
威出自 皇上以原擬候裁從之

乙丑御史葛徵奇為太僕少卿轄東路孫晉為大理右寺丞
戊辰董象恒為右僉都御史巡撫浙江蔡懋德為右僉都御
史巡撫山西徐世蔭為右僉都御史巡撫安慶


諭停內操提督忠勇營太監楊進朝所部三千人值大祀仍
防護

李自成羅汝才合攻開封七日夜巡撫高名衡總兵陳永福
等力守永福射中自成損一目自成屯朱仙鎮去開封四十

里內鄉鎮平唐縣新野各降鄧州知州劉振世郊迎五十里
合家從之許土以南無剩土總督丁啟睿楊文岳以左良玉
虎大威楊德政薄朱仙鎮良玉謂賊勢銳宜緩攻之大威等
謀不合即進全軍皆潰良玉以數騎免母妻被執開封益困
寇授鄉民金鑿令鑿城又坎城為窟寔以藥引火發之城震
壞然官兵嚴守兩月不能克

戶
已已故總督兵部右侍郎傅宗龍贈太子少保世龍著錦衣百

勅內臣神臣等監及各司局庫等毋干外政并戒廷臣曰朝



廷分秩原是官府不同臣子守官豈容暗奸作弊况析圭儋
爵之義宜無私交而防微杜漸之關尤先近侍聞 太祖高
皇帝諭侍臣曰為政必先謹內外之防絕黨與之私庶朝廷
清明紀綱振肅大哉聖謨最為弘遠朕欽承祖訓不敢或忘
日望諸臣率由此道無柰世風日降士氣遂靡雖奉公守法
者固多而行險徼倖者亦有嫵媚交權勢權暱就為阿大夫
之借舉左右掃門有路可通無脛而走窺探泄漏視為固然
以後內外大小臣工如再蹈前轍憲典具在朕不敢私
群狼入內邱城食人人飢食草實

十四
年終

國權

鹽官設遷孺木著


崇禎十五年壬午

正月辛未 上御朝畢諭大學士周延儒賀逢聖謝陞入殿曰
古聖帝明王皆崇師道今日講猶稱先生即其意卿等即朕
之師也今而調和燮理奠安宗社萬惟諸先生是賴命東向
立 上降座西向揖之各愧謝
先是遼東寧前道副使石鳳臺偵建 意和馳書諭其守將
得報建幸甚云本懸素心也鳳臺遽以聞 上以私遣辱國

國權

崇禎十五年

一




下鳳臺刑部獄至是謝陞語同列曰我力竭矣款建下以剿
寇鳳臺言良是同列亦然之乃屬兵部尚書陳新甲微言于
上又約謂兩城久困兵不足援非用間不可上曰城圍且
且半載一耗不達何間之乘可款則款不妨便宜行事上
門閣臣惟謝陞曰彼果許款亦可恃新甲承旨退薦經畫
主事馬紹愉可遣從之加紹愉郎中賜二品服上探秘之
外廷不知也

乙亥 上南郊牲省

丙子享太廟

山東盜平俘李青山入京青山本屠人乘飢嘯聚數萬人屢
寇兗州給事中范淑泰左長史俞起蛟拒之戰敗逃山谷中
命捕之

丁丑馬紹愉偕叅將李御蘭周維壩馳寧遠通于建下建下
請勅為信乃復請于朝諭兵部得勅曰聞瀋陽有罷兵息民
美意向來沿邊督撫未經奏聞又云朕不難開誠懷逆還我
祖宗朝恩義聯絡之舊約撫賞減舊額四十七萬噶 見之
謂歷朝勅書在屬國皆龍邊箋黃色而此箋色采中橫一龍
且往時璽方其篆勅命之寶而今皇帝之寶稍長右角微狹



一綫遂具書謂邊吏偽作并怒勅中語馬紹愉以聞

設遷曰石鳳臺講款蓋逢本兵意雖自干大戾而臣在邊
臣私遣則賈似道襄樊之事也遽辱天使降明詔他無委
曲高新鄭輩而在當不其然况松山失利之後更取其侮
陳新甲謀國以尸若餘氣其何振之有

庚辰 上祈穀大亨殿

辛巳李自成復圍開封鑿城磚數取十可容酒缶即注之火
藥一烘而放曰小放遂窟城縱橫及丈運火藥實之一發敵
天曰大放大放時列精騎數千以俟冀城破擁入而開封

城宋人所築也廣十丈狹三四丈土堅而剛寇之窟城也磚
土堆于外內堅外浮火藥發反向外擊磚土損空數千騎馬
寇駭而徙搃督丁啟睿率左良玉擊賊朱仙鎮與賊將劉宗
敏李過力戰大敗之自成聞之拔營南去


寇陷潛山殺知縣李胤嘉

壬子起鄭三俊刑部尚書加太子少保

寇陷巢縣

癸未巡撫大同劉夢桂卒

甲申貴州道御史甘惟燦劾兵部尚書陳新甲失職乞令其



舉賢自代 上以松錦需救甚急不得輕諉

左良玉率兵援開封寇退

督修歷法李天經上壬午七政經緯新局 光祿寺卿

乙酉戶部請覈戶口田畝從之

丁亥聞浙江錢塘及江西浮梁鄱陽過糴下撫按禁之

浙江江山縣盜起

許淮安揚州納麥抵漕米

己丑 上籍田

姜曰廣降南京尚寶司卿

庚寅摠督楊繩武自薊出師

辛卯起孫傳庭原官摠督京營提兵剿寇王承胤為摠督京

營援剿摠兵官御史郭景昌兵部員外郎蘇京監軍

御史楊仁愿言臣讀勅諭申交結內侍之律因稽 高皇帝


初無所謂緝事衙門不法之事止于明糾無陰許也後來有

東廠 神宗享國四十八年緝事之門鞠為茂草元氣日培

士氣日張鄧隆之業曷有過哉臣待罪南城所見詞訟多為

假番妄稱東廠則魂魄俱搖况其真者乎此由積重之勢然

也如此較事件則番役即懸價以買事件甚至誘人奸盜賣



與番役則誘者獲利挾仇忿以首告而誣以惡棍則挾者逞
志厥臣豈不三令五申禁之然比較事件欲其不買事件是
吹薪止沸必不得之數矣嗟乎餌人以陷禍擇人而肆喙惟
恐其不為惡又惟恐其不即罹吾網揆之 皇上泣罪解網
之心豈不傷哉伏願先寬東廠事件而後比較可緩比較緩
而後買事件與賣事件亦急急抑臣復有請焉如臣子獲罪
皇上勅撫按以檻車送詣闕下未為不可若緹騎一遣有貨
者家門破散無貨者地方官斂餽衛臣非不三令五申禁之
然彼自為長途計又安能已如使其罪可贖則留彼餘財以

贖罪如不可贖則妻子衣食賴之自非劇惡聖明亦豈忍籍
沒哉得旨諭東廠止緝謀逆亂倫等其作奸犯科自有司存
不必繫捕

壬辰張宸極為順天府丞吳家周為光祿司丞

罷提督京營內臣


乙未斬黃賊為禁兵截殺走合李自成盜魁賀一龍馬守應
賀錦劉希堯蘭蘭養成並屬之惟一龍守應各領所部聽令
而頗于羅汝才厚自成忌之

丙戌提督關薊遼津兵部右侍郎楊繩武卒于直隸豐潤

國權

崇禎十五年

五



戊戌吏部尚書李日宣奏言起廢諸臣自崇禎元以來並列之

庚子蠲各省直崇禎十二年以前蠟茶等稅

臨清副總兵黃胤恩言先朝開膠萊河俱山根難施五萬之功臣今察其功南北橫計百四十餘里潮水深入百餘里又河溪湖畔量浚即可通潮者百里此外嶺角不可鑿約四十里過此利涉即留茲嶺為盤剝之地計淮揚運膠河舟空接至萊河其間通浚小河廣造小舩如通州抵埧故事于嶺上建倉駕車做古河陰洛口之運待回空受載

是月 上齋于南城每子刻同中宮往誦佛移時回宮

賀一龍左金玉諸寇自安徽霍山六安分道出掠

二月辛丑朔何應瑞為南太常卿


丙午命周延儒清獄

前撫治鄖陽袁繼咸遣戍

丁未楊文岳仍總督保定山東河北軍務戴罪自效范志完為督師兵部左侍郎總督遼東寧錦軍務兼巡撫遼東

金光宸為右通政

戊申發二萬金賑山東



戒錦衣衛校尉奉使需擾

江南徐州知府紀天祐逋賦畏罪自刎

庚戌御經筵

免崇禎十二年以上贖罰豁罪

詔曰朕以涼德撫臨萬邦念切軫愛澤無下究因年來軍興
繁費加派頻仍賦愈重而民日窮出既多而入亦倍痼瘵日
甚展轉堪哀特頒赦宥之仁自十二年以前存留起解本折
錢糧盡蠲免不許有司重徵混派佇望廓清大定之日即為
征輸盡緩之期

辛亥故

劉若宰贈少詹事

傳陞張之奇劉世芳為檢討張國泰高來鳳改待詔劉明翰
譚易為中書舍人

壬子總督三邊兵部右侍郎兼督援剿汪喬年至襄城喬年
在鎮發李自成先塚得小蛇隨率賀人龍鄭嘉棟等出關斬
蛇以狗誓師聞自成圍左良玉于郟城乃兼程進留步兵火
器營以輕騎萬餘抵邠縣襄城貢士張永祺避難河北回經
邠縣時喬年以襄城新破疑不進永祺請援喬年命永祺先
之永祺以告邑人邑人出迎喬年于八里營喬年下頓兵城下

